



中武口
287
4止



武
門
187
卷
4上

救偏瑣言卷之九

論痘變症有不常不吉



察形驗色之外。其虛實寒熱。則據症矣。然形色不一。症更繁多。一形而數症。因之者有之。一色而諸症出焉者。有之。症之所以謂變也。症固繁多。而變又有變中之常。變中之變。常者。與形色相符。依日期而至。其症著見。明顯。變者。首尾偏峰。與形色兩截。其症深藏隱伏。如痘屬血熱。而實症迭乘。痘屬氣虛。而寒症竊發。此變症之常也。假令痘本實。而症若虛。痘本

虛而症若實。此變症之變也。漿前而客症多端。漿後而本症難出。此漿前爲實。漿後爲虛之常變也。放標而卽餒乏不振。結痲而猶熱毒留連。此偏枯陷溺之異變也。蹈常不容作聰明。履變不可傍矩矱。氣虛劇者無症不虛。血熱劇者無症不實。常症卽愚者易知。變者卽知者當之。苟不細細參合。一一端詳。亦有未易明焉者矣。虛實寒熱之症。自古有之。但虛寒多而實熱者少。實熱之症。漿前猶多。而漿後尤少。至虛實寒熱之變。似實熱而虛寒者。容或有之。似虛寒而實熱者。未之有也。自甲子以來。六運在於相火放標。以至落痲。虛寒之症。十不一二。梟毒烈火。十居八九。似火似實之症。百中無一。似虛似寒之症。無不皆然。症至於實熱。而似虛似寒。非至極不爾。以至極之症。工力有一未盡。尚棄并於九仞。令是非之界。不之明辨。工力先無所施矣。貿焉從事。以規則。是傍不幾。以非爲是。而妄投湯劑也乎。矧誤用溫補。人所易從。不至覆敗不已。如此殘害生靈。何其慘毒。總由於是非莫辨。余故列似是之症。詳辨于後。庶不至詣燕而南向。

也。

痘症變幻總論

症莫暴乎血熱。血熱之症。發見者易知。隱伏變幻者難測。色似胭脂。便鞭謔語。狂煩躁亂。唇烈掀腫。頰紅面赤。發渴不已。皮臃肉腫。痛楚難堪。形圓頂綻。一迎眸而莫掩者。至於血熱反常。似虛似寒。人不知之矣。有身涼色白者。有皮薄頂陷者。有昏沉如倦者。有四肢厥冷者。有寒戰咬牙者。有藥後頻解不食者。有痧後而夜不成寐者。有痘後而汗洩不已者。此等皆似虛寒而孰知非血熱之劇。不至如此。蓋緣熱伏于內。毒藏于中。以故難以測識。所謂陽極似陰。火極似水者也。據其色。猶必合其形。驗其外。猶必參其內。內外詳辨。容有未悉。更復察其神情脈理。則其所疑似而隱伏者。自莫能逃矣。氣虛難辨者。亦有之。終不若血熱之變幻多端。令人莫得其故。且痘至疑難。人多疑其虛。不疑其實。况痘易趨于補者。失補而致誤者。猶少。惟此慘害生靈。迷而不覺。倍于虛者。十居八九。敢以似虛之症。辨之以鳴同患。此成敗之關。生死之界。

未必無小補于痘也。

論火毒咬牙

咬牙屬血虛。症固有之。不知毒火潛伏於肝腎者。與血虛者更甚。毒火雖盛。暴厲而發揚者。當無是症。即伏而在別臟者。亦不患是。惟在肝。肝則藏血而養筋。骨在腎。腎則主骨而生肝。還以血養。是猶唇齒之邦。兩相輔而兩相需者。况肝應春陽。腎應冬藏。升沉之臟。兩受其虛。而失其和。齒其妄劇而自鬪矣。猶是鬪也。虛者聲鬆。彼則聲緊。虛者在於漿後。彼則於放點時。而即相戛。痘當初放。即血虛者。血於何耗。而便及此。則其受虐於毒火也。可知。不必辨其形色。症狀神情。而已昭然矣。但察其痘色。嫩紅而熾熱者。以清涼攻毒飲。減紅花以涼解之。痘色乾紅。或紫滯而身不熱者。以涼血攻毒飲。以透達之。不拘嫩艷乾滯。熱與不熱。凡有諸般痛楚。及內症凶暴者。以必勝湯。嫩艷者。減桃仁紅花地龍。乾滯者。加紫草以攻逐之。有出而未暢者。通加大桑蟲。蘆筭以透之。成漿後者。通以化毒丹。調入牛黃珠末以解之。至痘之日期。體之厚

薄不可執而論也。如王含叔之愛一證矣。不贅治驗。

總 毒火深潛腎與肝 升沉二臟擾何安

訣 齒牙相戛聲何慘 透解潛藏自貼然

論血熱作痒

諸痛爲實。諸痒爲虛。又云氣愈虛而愈痒。所以然者。以氣本虛。毒原不熾。氣虛則正不勝邪。無以制化其毒而固然也。以故治痒之法。必從補氣。有血熱毒盛而痒者。大相懸矣。蓋熱毒壅於皮肉。氣爲遏鬱。血被煎熬。氣非不足也。鋼之則陷于無用。血非自熱也。灼之則迫其遊行。血味且鹹。遊行皮肉。痒之所以作也。以清涼攻毒飲。滅紅花。量用大黃。重以石膏生地。以涼鮮之。以殺熱毒之勢。庶氣血不受邪虐。氣得以化。血血得以成膿。何患乎痒之有哉。是謂實者虛之。正妙于實者也。今人不審虛實。執古方而泥成說。凡遇痒症。概以參芪投之。不應。責以補之力薄。遂思重劑以勝之。氣不受補而毒火愈熾。愈熾而痒愈甚矣。嗟夫。何異抱薪而救火也。然果何以辨其爲毒火耶。曷不觀形與色。內與外之呈見乎。同一色也。虛則白。而

實則紅。卽同一紅也。虛則嬌而實則滯。色之不侔已較然矣。再觀其形。虛者皮薄而濕。實者皮厚而燥。按其體膚有溫涼熾熱之殊。察其神情有倦乏躁亂之異。一一殊途。種種各別。更或兼之於痛楚。或熱如炮烙者。前方重以_{大黃}。或色若胭脂。諸般失血者。前方加_{桃仁}。正面稍有擦意。不拘破與不破。卽以化毒丹調入油胭脂內。用綿紙貼之。須令嚴防。勿使抓破。破而血得成流者。猶幸無恙。破而乾赤。皮如剝去者。無可生之理矣。凡放點時。熱一如炮。不分界地。或焮紅。或紫艷。卽當預爲之地。重以涼血。急以清火。內症猖狂者。尤宜速與蕩滌。不可臨渴而浚井也。外有調護過煖。助火而致痒者。急令撤其重圍。或減其衣被。處之清爽。而痘自安。若黃憲副一公。卽足證。不贅治驗。

總實痒紫艷。或焮紅。燥烈皮蒼。毒火擁。訣。血被煎熬。蒸氣被遏。輕宜涼解。重加攻。

論熱劇寒戰

痘瘡寒戰。似無區別。孰知有先後之分。關虛實之異。先寒後戰者。寒極而戰。虛劇之象也。先戰後寒者。戰

極而寒。熱劇之象也。故戰不可概以寒視。寒不可概以虛論也。氣虛寒戰。前已陳其概矣。更以熱極作戰。戰極而寒者言之。火之爲火。其性甚烈。其發甚暴。喜散而不受遏鬱。火雖熾而發見者。徧體皆熱矣。雖熱而身靜。以火得順其性也。熾而劇。則遏鬱矣。鬱則拂其性矣。以暴烈之性。欲達而不得達。則氣血與毒火。五內搏激。其能免身之不振戰乎。猶之水沸于火也。身雖戰振。其面必赤。其體自熱。戰之不皆出于寒也。明矣。火鬱尙戰。過鬱則寒。是熱劇反見水化。如強酒於不能勝者。反爲酒所寒矣。酒性豈寒者哉。夫亦因其過而致反也。身雖惡寒。肢雖逆冷。其氣必雜其神自躁。痘必紫滯。脉必沉數有力。寒之不皆出于虛也。又明矣。凡血熱之痘。熱極作戰。不問別症。不拘首尾。熱如炮烙者。以瀉黃散主之。量症加減。如身體反涼。更喜溫暖者。熱毒深藏固閉也。以散火鬆毒。飲隆冬加炒黑麻黃二分。先達其伏毒。火鬆透。身必熾熱。方以瀉黃散清之。或兼諸般痛楚。或空竅失血。或熱如火熾。皮肉腫硬者。不拘熱與不熱。必用大黃以宣暢。

之。庶不至毒火內擾而至攻潰也。

總 寒戰陽虛自古云 熱極水化少知音

訣 若還悞認陽幾脫 火上重油禍匪輕

附一治驗

一兒三歲。痘在八朝。膿漿滿足。盤暈焮赤。忽生振戰。衽席皆動。按其身熱如炮。此亢陽作戰也。以清涼攻毒飲。用石膏五錢。生地八錢。黃連一錢。大黃五分。減紅花地龍犀角。加姜一小片。以行重寒之劑。連投二頭汁。其戰即止。又二劑。紅暈漸淡。至十一朝。熱得和平。收功弗藥。

論熱毒下利

痘出於肌肉。而脾爲之主。脾氣實。則精神內固。而外旺。痘必易出。易漿。易靨。若泄瀉。則脾弱而內虛矣。痘必有應。至不至之虞。變症由此而出。而脾顧不重哉。以故泄瀉之痘。一切寒涼清解之劑。在所必禁。然非所以概熱毒下利之症也。熱毒太盛。其毒不能盡行肌表。勢必畱滯。而內擾。毒內實。不受邪侵。注於大腸。大腸爲傳送之官。不受毒害。而毒逼迫于中。頻頻下

利。雖若與泄瀉之相似。而實與泄瀉不相侔。瀉者滑而不禁。彼則艱而閉塞。瀉者溇而不實。彼則凝結如膠。亦有純利清水者。或穢氣之不堪。或便色之雜出。或眉愁而腹痛。或躁亂而不寧。辨痘之色。輕則乾紅。而重則紫滯。驗痘之形。輕則鬆綻。而重則板實。即在收靨結痂之日。何莫非餘毒之使然。視其痂皮則燥硬。按其體膚則燔灼。口內或膩而成疳。目睛或紅而有翳。如是而投於香燥止寒之劑。不猶之欲北路而南轅者耶。為其故而清其源。輕者解毒鬆滯。重者清火攻毒。使毒火不至內擾。而腸胃清寧。便不止而自止。脾不實而自實矣。若以為治毒火愈熾。愈壅。七日。前立見乾枯焦紫。而膿漿無望矣。七日後。餘毒無歸。胃氣閉塞。喘急煩躁。而終斃矣。質質焉。見其煩解。而不究其所由。亂施死方。我之所不辭也。

總 熱毒衝腸便自頻 喜腸傳送毒難侵
訣 頻頻欲解仍艱寒 誤認脾虛終內攻

附一治驗

朱元卿一長公。幼時痘。犯血熱之症。自放點。以至

成膿極其涼血解毒清火。漿甚濃厚。至收靨時大便忽頻。日去二十餘度。至次日難以數紀。乳母與婢輩苦以穢惡不堪。嫌以寒涼太過而然。烏知熱毒下利之理。果因寒涼。身體不宜熾熱。唇口不宜焦裂。神情不宜煩躁。痂皮不宜燥硬。今種種其然。脾胃豈虛寒者乎。以瀉黃納穀散加地下金銀花貝母。服至十四朝。左額顛起一大癰如桃。大便即止。諸症減半。更以牛黃一分。珠末二分。調入化毒丹內。用具母湯送服。十六朝膿自口出。前方減生地加連翹甘草十八朝全愈。是症難以筆記。聊附其一。以證其槩耳。

論胃熱不食

痘不思食。固有胃弱而不納者。尤有邪熱犯胃而不思者。要其虛與熱之別。總以虛爲憑。以症爲準。痘屬氣虛爲虛。痘屬血熱是熱。更參之於當下之症。與見前脉息一一而詳合之。自無不得矣。不可以日期爲則。以漿前爲實。漿後爲虛。尤不可泥于胃強則納之語。而槩以虛論也。槩以虛論。固不可與語道。拘于日

期亦非爲調元之手也。何也。氣虛之痘。漿雖未行。其中氣已虧于不足。而熱之痘。漿雖克滿。而清氣尚受。夫邪迷。又有自放點。以至成膿。飲食不減。至漿後。而胃氣忽閉者。漿豈未化。而毒輕。已化而反重耶。蓋痘之始終。合天地四時之氣。前七日。其毒升發起脹。自內達表。猶春夏生長之令。毒不太盛者。其毒得盡行肌表。胃氣自清。其故飲食如常。七日後。其毒成膿。漸斂。自外收內。猶秋冬收藏之令。毒得盡淨而收。胃氣終清。若毒有未盡。痘隨火斂。是謂火禡。非正收也。火毒內斂。胃得終于思食乎。其痘膿雖老。而紅暈未散。痂雖結。而焦燥難脫。身多壯熱。脈自洪數。與胃虛不食。遠隔參商。凡痘身熱未和。紅暈未收。漿雖極老。不可與斂。若與斂之。不啻胃受火閉一項。般般餘毒。不可勝紀矣。務宜重以生地。佐以黃連。丹皮。荆芥。牛旁木。通甘草。熱如炮烙。盤暈嫩紅者。更加石膏。俟其火毒清鮮。聽其自收。自無不開之胃。如以始爲熱。而終爲寒。始爲實。而終爲虛。一以參朮姜棗之類。以補之。如火益熱矣。今之不食之症。徃徃如是。若章繼翁之

症。臧比老之郎可鑒矣。外有飲食過多。或痰凝氣滯。與夫寒邪阻塞。暑熱干犯者。皆令不食。此痘外之雜症。非氣虛血熱之所致也。然以神情症狀。并日逐調護而審其故。昭然于心目矣。治驗不贅。

總

百凡飲食最爲先

不食應知各有緣

訣

胃虛不食身涼靜

胃熱人煩體自炎

論火擾不寐

痘有夜不成寐。在七日前者。人皆知其爲邪熱內擾。至成漿後者。皆責以心虛矣。豈不曰血化成膿。而血爲之虛耗。膿成毒解。而邪熱俱已消融。不知血虛而火毒不甚熾者。理固然也。深藏猛烈者。漿非不足。而漿不能盡其毒。火非不洩。而洩未能罄其藏。外雖成膿結痂。而內之餘炎未盡。臟腑未得清寧。况心爲君火。以火遇火。較之餘臟。更不能容。且當收斂之時。非若漿前發揚之候。此蓋心被火灼而然。身必壯熱。人必強揚。唇或燥烈。痂或燥黑。症亦不能枚舉。種種皆類是也。較之心虛不寐者。自是迥別。明者察其毒盛。則解之火盛。則清之。或透肌。或涼血。俾邪熱得以洩。

越有發癰疹而安者。有發癰毒而寧者。有於疤內復
泛而得熟睡者。是皆毒有所歸。而神自清寧矣。尚何
有夜不成寐乎。若以安神藥必收斂。是猶執熱而反
令探湯矣。若錦宗兄小愛之症。一證矣。不附治驗。

總 火擾不寐始曾聞 藥後猶云論似新

訣 烈火燎原非易滅 莫輕斂志與安神

論渴有虛實

咽喉乾燥則渴。然乾與燥。有虛實之分。乾為虛。而燥
為實。均屬肺病。咽喉屬肺。肺屬金。金生水而畏火。金
虛則不能輸降下之令。猶之白露不降。水乏其本。華
池乾涸而渴從之。其渴稍飲即止。俄頃又乾。喜熱而
惡冷。聲音低小。脉必微緩。法當以補液湯生其津液。
而渴自止。實則金被火燥。虛痰如爐。五液可竭。而肺
更何言。其渴百杯未足。俄頃又燥。喜冷而惡熱。聲非
啞而即厲。脉必洪數。法當以清金解渴湯。制其烈火。
而渴自解。虛與實之別。辨有未確。更合之于神情症
象。與夫痘之形色。一一而參考之。自無不得其真矣。

總 渴有咽乾肺屬虛 金虛補液自相宜

救傷 卷之九
三
三
訣 烈火刑金咽更燥 火清方得救華池

附一虛渴治驗

吾郡吳二公祖。一公孫。四歲。痘稠密而氣血兩虛。五朝以保元湯。加芎歸淮地而得成漿。終不肥濃。八朝發渴。頻頻思飲。與之盞許。卽拒。俄頃又乾。身熱不壯。神情懶倦。便亦不實。以補液湯。加芪朮姜棗服。及十朝。渴得漸解。脾氣亦實。減訶子黃芪。加茯苓白芍。十四朝。眼白起紅。瞳多淚。以奏凱和。解飲。減當歸牛旁。加甘菊殺精草。調治收功。

附熱毒發渴

同袍沈岸老。一痘症。放點以至起脹。乾紅晦滯。平者半。陷者半。身涼而神却躁。頻頻腹痛欲解不解。此毒火遏鬱使然。以鬆肌活血攻毒服。及五朝。大便連去四五次。火毒一鬆。身卽壯。熱而神靜。色轉深紅。發渴不已。重以攻毒清火。八朝。放白成漿。險變爲順。與一不韻者同事。惟恐虛寒繼至。減大黃石膏二劑。前症復然。更多不寐。而渴更甚。仍如前方。十四朝。漸安渴解。十六朝。調理收功。

附首尾燔熱發渴

顧韞翁老先生一公節令佺老也。痘出四歲。屬血熱毒盛。放點色似臘脂。漿老盤猶嫩赤。結痂燥硬。乾隹。始終壯熱煩渴。初朝卽以涼血清火攻毒。進藥甚艱。服不及半。致熱毒難清。喜得進牛黃化毒散不拒。日服錢許。自七朝服至十六朝。熱毒漸減。幾一月始得全愈。熱渴難解如此。若魏氏論渴云。火非虛不發。一以保元湯加交門五味。欲壯水之源。以制陽光。理固有之。其可以概施也耶。

論汗有補瀉

汗者。液之派也。腎之液。自毛竅出者爲汗。汗之是亦水也。可知其本於肺之通調。四布而得潤乎一身。滋養四體。猶之白露下降。草木敷榮。是猶藏則存而爲液。疏則洩而爲汗。潤則皮毛枯澀。鬱則肢體浮腫。寒則凝。熱則沸。液汗之故也。亦多矣。但以痘瘡之汗而言。症順則存而色潤。氣虛則疏而汗洩。火沸則汗湧如林。不可專以氣虛論也。痘如淡白無神。身溫體倦。種種合乎氣虛者。當以實表爲主。否則氣旣已虛。而

復汗。於放標時發必不振。繼必平陷。痒癢寒戰灰
白。悉如蜂起。當以保元八珍湯。減枸杞。加白芍五味
以收之。如其紫色乾紅。煩渴壯熱者。以其火擾于內。
而致水沸于外也。不拘首尾。當以清涼攻毒飲。以清
徹之。外有血熱之症。調劑得宜。不為毒害。至痲落時
而有此汗者。是餘毒無所容。以汗而解也。驗其因汗
而適快者是也。固不宜飲。亦不宜清。惟以忍冬解毒
湯。減紅花。加當歸足矣。不可以過求也。凡火擾而水
沸者。七日前而誤飲之。梟毒閉塞。必成內潰。七日後
而誤飲之。餘毒不解。輕則纏延疲敝。重則一簣之虧
矣。

總論 痘汗如何去表虛 身温淡白不克肥 訣入紫艷身燔為火沸 虛一實少人知

附一治驗

一女七歲。痘未見點。壯熱如焚。靜則燥炙如烟。一
轉側而汗即沾衣。俄頃即燥。動即復然。次日見痘。
細密如麻。紫艷與礬紅各半。煩渴躁亂。以涼血攻
毒飲。減山豆根。加紫草。服及四劑。顆粒分明。而汗

即止。五朝頭面肥潤。七朝通身放白。行漿自上而下。景象頗佳。但烈熱如故。絕不思食。神情尚楚。前方服至十朝。胃氣畧開。夜卧將半。頭面收結。痂色乾燥。身上將靨。而紅暈未收。熱終未減。前方減紫草服。及十三朝。通身復汗如蒸。逾時而燥熱等症。與夫寢食神情。蒙蔽之象頓開矣。方易前方。以忍冬解毒湯調治收功。然變幻之症。難以悉載。能以數項推類。以盡其餘。庶不爲似是者悞矣。

效偏瑣言卷之九

終

論結痂

痘疹行漿三日後。期至九十朝。其得膿漿飽滿。氣足血收。此陽極化陰爲姤。時當收結矣。始于人中。以及兩頤鼻準。漸至地角。以至周身。未及巔頂足脛。次第收結。痂如銛蠟。初凝厚而滋潤。是謂珠結。毒盡解矣。其餘可知。不須調劑。有等氣虛之症。得補成漿。漿終淡薄。至此雖云收結。痂皮飄薄。神色枯淡者。謹防精神不繼。鮮克有終。以保元八珍湯。減川芎加山藥以

濟其匱乏。更有土虛不能制水。濕潤不斂。漿水腐白。頭溫足冷者。前方減熟地。加河車膏。茯苓白朮。以助其收結。如便不實而胃弱者。前方減當歸熟地。加茯苓。陳皮白朮。渴者前方減枸杞。加麥冬五味。睡不熟者。減黃芪加棗仁。昏紅花分許。餘可類推。所謂痘後無實症。總歸虛治者。此也。有等血熱之痘。稠無隙地。子清解成漿。連成一片。腐爛作臭。煩熱猶在。妖毒亦有同于血熱。浸淫日久。至後氣血虛耗。不能收結。驗其煩熱退聽。神情懶倦。腐爛處。肉地與漿水淡白者是也。以保元回漿散主之。外以細茶末以清其肌表。至有鼻毒烈火。血熱之極。非不極其清解。其如烈熱未減。紅暈未收。膿囊便有斂意。謹防火禍。以成倒靨。以清涼攻毒飲。重以生地石膏主之。庶不至焦痂黑靨。令毒復歸于內。更有從前失治。漿未成熟。血暈如霞。竟爲烈火燔灼。已成倒靨。焦黑如煤。平者如螺靨。陷者成煤坑。間有老痂亦黑硬如鉄。如此等象。

若變症雜出。皆毒氣內攻所致。不得目之以膿成毒。鮮而作虛論也。希援于望外。以必勝湯。倍用生地。復以大桑蟲以攻發之。熱熾者。加石膏黃連。根下腫硬者。貼以胭脂膏。得盤暈漸淡。漸收。平陷者。鬆黑硬者。潤。或泛疤。或補空。或發癩疹癰疔。毒仍達表。可慶重生。凡血熱之痘。勻朗稀疎者。必能成漿。漿必肥濃。第虐餒未清。收盤可畏耳。是痘因其漿濃。且以日久。誤認以爲回頭不食者。以之開胃。不寐者。以之安神。發毒衣衣之補液。下利者。以之實脾。如此等類。促其斃者。不可勝紀矣。僅記其一。以爲觀鑑云爾。

韓人毅。是。去年有一公郎。三歲。痘十二朝。絕不思食。筋抽脉惕。徹夜不寐。始事者以胃弱心虛。以宿夜會受驚恐。藥以安神開胃。而愈甚。邀余往視。痘甚磊落。第熱尚如烙。盤暈焮赤。膿囊大半爲烈火。燔灼而焦。宛若螺厖。神情散亂。而毒已歸于內矣。其未變者。猶然圓綻。肥黃。余曰。是痘熱毒未清。未宜收斂。以故痂如螺厖。黑而又薄。是倒靨而非正收也。奈何。此文毅然曰。君不見其膿之滿足耳。膿

老自是當回。愉然信爲無恙。余遂別是夜卽斃。

附一治驗

潘梅老五歲一愛。痘犯血熱。十朝壯熱未和。膿成未熟。紅暈未淡。而卽乾收。宛如火焮。兩頤平斂。痂燥而薄。而猶赤腫。始事者亦知其爲熱毒。已清解於前矣。第清而未暢。次日又便利作痒。似乎補瀉難施。謝事去矣。勢在纍卵。但血熱尚熾。症必因之。自無兩局。以條條收苦湯。減大黃。紅花。加地丁。生地。外以朱黃一分。珠末二分。卽以藥調送。兩頤以胭脂膏封貼。服二劑而痒定。四劑後平陷俱鬆。燥黑者轉而滋潤矣。減青皮。加金銀花。至十四朝熱和神爽。大便頓止。寢食俱安。遂以忍冬解毒調治收功。

論落靨

易痂易落。收局之佳境。然易痂有凶。有吉。易落有吉。無凶。以邪毒盡淨。而無餘毒轉炙。痂故得一收便落。其疤大都榮潤。肌膚大都滑澤。亦有疤白不榮。陷而凹下者。此因氣血虛乏而然。非因易落而有此象也。

蘇州理言 卷十 四 惠延堂
以保元八珍湯主之。外此有爬肌抓肉累日不脫者。有擦去疤有血迹者。有褪去兩邊中獨留一線者。有半掀起半咬緊者。有日久方脫而疤凸起者。有四沿浮皮掀簇者。有身褪而頭而不褪者。或有白疤或紫黯或黑點或似茄花色者。痘疤不一皆為毒火燔炙所致。身熱溫和無甚惡症者。涼血解毒而清散之。身體壯熱而多惡症者。攻毒清火。重以涼血而散解之。輕則泛疤發癩發疹而愈。重則發癩發疔而解。痲落除症亦多端。總以痘為準。餘毒作祟。治毒為主。毒盡元虛保元為要。縱有實中虛虛中實亦權其緩急輕重而因應之。不可遺其重且急而反迂務其輕且緩也。若執以痘後無實症。總歸虛治。誤之甚矣。

論餘毒

餘毒者痘瘡未盡之毒也。痘瘡毒化而成漿。漿老而成膿。膿成血盡而毒解。氣血虛者血不患不盡。患漿不成膿。膿成而毒盡矣。熱毒盛者漿不患不老而患血未收。血收而毒解矣。氣虛之症行漿時或失于內拓。拓而尚有未足。或人力極盡而氣血其如虛劇。幸

不至灰白平陷。漿蓋不能老而成膿。餘毒有所不免矣。血熱之症。行漿時或失于涼解。或依傍日期而解之不早。或慮寒涼太過。而工力有未暢。或循規則而反投溫補。或極其周酌。而毒火其如雄烈。幸不至紫陷乾焦。而膿或板黃。卽鬆而或燥。卽潤而紅暈尚有未收。或收而未盡。帶火收結。餘毒尤有所不免。更有甚焉者矣。痘有氣虛血熱之分。順逆險三途之異。而餘毒亦然。驗其毒不紅腫。身涼體靜。或神情懶倦。其得飲食進而睡臥安。毒且小而小且軟。痛楚不甚者。屬虛而順者也。以參歸化毒湯而調治之。

毒若大而白。平而板。不能起發。愁容可掬。靜而忽躁。神情終倦。涼而忽熱。未幾復涼。能食而不能強。能睡而不能熟。兩~~目~~有神。神思能定。此屬虛而險者也。以加味內托十宣散治之。庶得~~以~~潰而成膿。而毒其化解矣。

毒不拘大小。按之板實。白而帶青。神思昏倦。痛楚難支。兩目無神。口出涎沫。體欲靜而不得。聲欲出而難揚。此虛而逆者也不治。

血熱之辨何如。有發癰。有發疹。散于周身。布于四體。一發而即身涼體靜。神情爽朗。此血熱之順者也。其未發之前。熱必不免。睡必不寧。痲必老色必燥。而血必不全收。神必旺。而氣必粗。此發癰發疹之機也。不諳者。以膿成。可以收斂。以收結。可用調補。致毒不得發洩。往往有輕而變重。重則有不可知之患矣。不拘已發未發。均以消癰快毒湯。而一清徹之。可無不瘳矣。

若癰則毒聚矣。毒併於一處而發。勢必潰而得解。其毒紅腫。發於四肢。兩肩兩脇。熱不甚熾。寢食如常。亦險而順者也。以活血解毒湯主之。

發於兩額。腦後。胸背。環跳等處。身體壯熱。痛楚殊甚。毒大而且板。則險矣。然得板而不硬。大而紅腫。熱雖壯而體不燥。痛雖甚而不至難支。飲食與夜臥居半。亦無大害。以前方加地丁白項地龍。并蜜湯調服。賽金化毒丹以治之。

發於百會。太陽。少腹。上下。及穀道。湧泉等處。板而更硬。紅而帶紫。更有凝結成疔。形似螺肉。毒黑而堅。根

深入肉不拘是瘡是疔。燥熱如炙。飲食不思。微或不寐。此險而逆者也。瘡則內服賽金花毒散。外卽以此散調入油胭脂內。以綿紙攤貼。中留一頂。疔則用銀針挑鬆四圍。亦如瘡之貼法。不必留頭。次日有膿水來。用軟絹拭乾。將此散摻入四圍。仍以胭脂膏貼好。又次日復如此法。俟其疔褪出。竟以此填滿復貼之。以疔潭長滿而止。二毒通以必勝湯治之。庶可保全生命。

藉令發于咽喉。當心腰脘。不論小與大。疔與瘡。瘡則按之硬而青黯。或紫黑。疔則大如錢。聲啞氣促。神情躁亂。兩目傍惶。如畏刀鋸。如見狼虎。惡聞人聲。惡見人形。或身涼而乾噁。或身熾而肢寒。症難枚舉。凡此等症。痘卽屈指可數。痲落無遺。亦禍不旋踵矣。

外此毒聚于肝。則目起翳障。或兩目掀腫。內背膿血淋漓。或有如猪膽汁。有過期不開。均以撥雲散治之。不可點洗。外治之法。眼科規則之劑以療之。毒必不消。火必不散。而眼廢矣。

雷於脾。於上則唇裂掀腫。堆結如煤。動卽血流。血卽

燥結於下則注入大腸。下利惡垢。猶之滯下之疾。如漆如膠。有純下鮮血。痛楚不堪。若以瀉治。則枉死矣。以滌除救苦湯治之。便血者加生地。血紫滯而堅凝者。加桃仁。艱寒之極者。倍大黃滑石。痛極者亦如之。更加赤芍。

留于胃。則口内生疔。或牙銀腐爛。甚則穿腮落齒。漸入咽喉。名爲走馬疔。一日爛一分。十日爛一寸。以忍

通之類而青濕

有熱毒上壅。嶺頂諸陽會集之所。時值炎天。臭惡薰蒸。潰爛生蛆者。以清涼攻毒飲治之。剪其髮去其蛆。以金銀花煎湯淨之。或金蓋散或黃金散研入冰片。膏黛而外治焉。

留于肺。津液不能上行。咽喉乾燥。音啞而發。后者以清金飲治之。毒鎖咽喉者不治。

值隆冬。表邪未盡。風邪與熱毒鬱于皮毛。至收靨。出如炎天沸子。名爲水珠毒。以清肌散毒治之。

餘毒般般總不越一虛實中來也。虛者真元不繼。實

者邪毒留連。痘至收痂。一身之精神發皇于外。兒體之實者且虛。况虛者乎。此時火毒解而擬調治。謂不晏然。卽毒有未盡。僅屬強弩之末。補中帶解。亦無難事。至若仍然清解。復用寒涼。猶然蕩滌。似屬理之所無。而實勢所必至。斯亦難矣。故治痘難。治偏峰之痘尤難。偏于虛者。難于始。偏于毒者。難于終。漿前恐櫻其毒。而孰知不豫則廢。漿後防其虛脫。而孰知當如除惡者矣。人言百日是痘。蓋謂惡痘有潛藏之毒也。虛實之辨。必究其真。不令有似是之誤。斯爲盡善。如毒色白而身涼者。似虛。合之于唇裂逆。血非虛也。頻解不食。似虛。合之于腹痛乾嘔。非虛也。羸瘦日久。似虛。合之于氣雄壯熱。非虛也。寒戰咬牙。似虛。合之于面赤燥熱黑硬乾痂。非虛也。毒色紅而時躁時熱者。似實。合之于兩眼倦開。重語聲輕。非實也。便閉思飲。似實。合之于唇白而潤。不見裏急。非實也。多言妄語。似實。合之于四肢不舉。重語聲輕。非實也。餘毒不一。合之于平而塌。涼而軟。非實也。似是之症。非語言所能罄者。惟在于會心者得之。得其實。真虛。而更

權其緩急輕重治餘毒無餘蘊矣。

附一氣血兩虛餘毒治驗

已未。有一陳氏子四歲。痘其稠密。而且一齊湧出。但得分珠。頂平脚塌。囊薄色淡。人靜身涼。種種犯氣血兩虛之症。四朝乘氣血尚未離散。卽以保元湯。人參一錢。芪錢半。加芍歸淮熟地山查。六朝頂起而囊不蒼。盤紅而色終淡。眼欲合而未緊。鼻將塞而猶通。進不勇者。防退速。前方倍以參芪加河車鹿茸。二朝得行漿。終不能肥。九朝寒戰漿色腐白。前方重以參四錢。芪六錢。更以熟附六分。肉桂四分。漿轉肥濃。十朝漸收。漸結。寢食漸安。見景象得轉。以艱于進藥。姑恤停止。十二朝忽眉宇不開。是晚臥不能安。次日曲池二穴。俱發一瘰。其色淡白。按之不熱。拂之痛甚。以加味內托十宣散。四劑後方紅活。三日後不潰。亦不退。以參芪錢許而故淹滯。如前重以三錢。一劑卽潰。左肩與右肋又起一毒。紅腫且熱。以毒未盡。故復發。此得氣血振作。故熱而紅腫。是期十八日矣。前方減參芪俱半。

以胭脂膏塗貼。畱出其頂。漸消平復。聊記其一。以見大意。血熱之餘。已散見于前。不贅。

娠婦痘

娠婦出痘。平順輕鬆者。以安胎爲主。兼治其痘。是百病以末治之之謂也。安法不外于保脾養血。寬氣道。清子宮等項。然放標時。則以寬氣爲重。而帶升發氣。鬆則痘亦易透。升發亦無病于胎。兩全無害之道。寬氣如陳皮川芎。瀉製香附。大腹皮。蘇梗。或蘇葉。升發如蟬蛻。桑蟲。荆芥。牛旁。山查。桔梗。甘草。乾葛。或升麻之類。起齊候。則以清子宮爲重。而帶涼解。清則與痘適宜。涼解與胎適合。有並行不悖之妙。如黃芩。山梔。生地。玄參。甘草。清之屬也。如連翹。牛旁。木通。黃連。荆芥。山查。涼解之類也。行漿時。則以保脾爲重。而帶排膿。痘之成膿。木子。血。血之製本。出于脾。保脾正催漿之地。如茯苓。白朮。砂仁。陳皮。甘草。保脾之要劑也。如人參。黃芪。木香。糯米。大棗。姜。蚕。白芷。催漿之首藥也。回漿時。則以養血爲重。而帶斂陰。胎之所養。全賴乎血。血之所有。皆耗于漿。補血且得陰收之義。如當歸。

白芍丹參以補其不足。如茯苓米仁防風甘草以助其收結。擇取金銀花牛旁連翹仙參貝母等味。以稍解毒。此蓋語其常。非所以論其變也。藉令痘犯氣虛。囊薄脚散者。豈得拘於胎前母氣滯。而必以蘇梗蘇葉乎。荆芥乾葛無論矣。錫皮皺濕者。豈得拘于子宮宜清。而必以黃芩梔子乎。連翹黃連無論矣。更有頭溫足冷。灰白寒戰者。豈得拘于胎熱則動。置桂附而弗講乎。僅以參芪苓朮。何能砥柱也。藉令痘犯梟毒。烈火。血受其殃者。如紫艷。礬紅等色。失血。肉瘀等症。氣受其虐者。如貫珠。攢聚等形。躁亂。燔熱等症。勢必制其亢。攻其毒。令氣血歸于和暢。乃得化而成膿。若泥于百病。且安胎。惟知胎以血養。血以脾統。而不治其毒。必得胎前之毒。不治而自解。則可不則妊。其燔灼。聽其內攻。可有身外之胎乎。痘症本輕。安投重劑。胎必受之。胎損而母亦隨之矣。痘症惡極。劑雖極重。毒其受之。毒解而胎自安矣。凡病權其輕重。緩急。重在務本。不得專事其末。急在除邪。不得迂務其本。得其要領。總歸一道。

附一失治之戒

有一許氏之室。懷娠四月。身忽大熱如火。不一日而見痘。稠無隙地。細碎如麻。躁亂不寧。胸膈迷悶。痘隣于逆。所可取者色得肥紅耳。猶在初見。余欲攻毒導瘀。兼清肌疏透。庶幾內毒一鬆。得分顆粒。未必非挽回之一機也。厥天惑於不韻者之言。執意不欲。予辭弗藥。九朝而斃。而胎卒墮。其所以墮者。豈脾虛血弱之故。烈毒內攻。熱血煎熬。臟腑且潰。而胎有不墮乎。況小產者亦多矣。何常墮而必斃。則知其墮也。以毒而斃。亦以毒也。歟。

附一懷娠出疹治驗

一友朱良老。其闈懷娠六月。出疹于隆冬。躁亂不寧。燔熱如火。道中一友以寬氣養血安胎爲主。佐以甘桔牛旁蟬蛻荆芥疏肌透發。三朝疹非不透。熱終如火。煩渴不已。嗽而增喘。徹夜無眠。至五日不惟不寐。并不能就枕。不惟喘急。并不能出聲。面如土色。目睛直視。手指厥冷。渴想西瓜。六脉絕無。影響其娠。追下。小腹痛楚難禁。身無安放。立刻可

斃舉家但願得母無恙足矣。余殆弗藥。惜其未得一對病之劑。覺有不忍。爲熱腸所迫。以_{大黃}五錢。石膏一兩。滑石生地各七錢。炒黑麻黃三分。佐以赤芍丹皮牛蒡荆芥地丁木通甘桔。以蘆筍煎湯代水。二劑後諸症稍緩。徧覓一大西瓜陸續以濟其渴。又二劑其疹又透。諸症減半。而娠不追下矣。前方減麻黃仍以二劑。而顏頓轉。喘定而得伏枕。熱湯亦殺大半。娠卽安然。但咳嗽不止。前方去大黃赤芍丹皮。減石膏滑石及半。加_{玄參花粉黃芩}金銀花二劑。熱湯俱平。胃氣大開。據_{垂斃重症}而復生。尚須調理。見安和而遂弗藥。越數日後。娠復不安。但不追下。飲食減半。復有餘熱。口內生疳。以消癰快毒湯。減蟬蛻丹皮赤芍。加金銀花天花粉。佐以消疳散。吹之全愈。是症所用湯劑。據常格胎前所大忌者。而得旣保其母。并安其娠。見有_{病病}受。不第無損于胎。正見所以安之之妙。疹與痘雖異。其所異者。惟氣虛痘耳。若烈毒之症。原同一軌。令是症但留其母。猶畏_{大黃}等味。利害並存。尚費

躑躅竟爾子母俱全。凡志醫者可不深思而潛玩也耶。有懷娠而宜峻補回陽者。若余荆之症可徵矣。不贅治驗。

痘後調護宜謹

痘後表裏俱虛。調護悉宜加謹。一有踈漏。以實接虛。病卽終身不拔。非細故也。最要有五。一節飲食。飲食不節。脾氣受傷。脾係一身根本之地。精神生發之源。有因過飽。終身不能多食者。有爲一物所傷。終身不能一見者。有因偶爾失調。致脾氣不實。遂成痼疾者。皆能致肌肉不長。而不華色。然此尚屬日後久遠之慮。曾有東林陳允巖兄。當年一公郎。痘已收功。喜食圓眼。因過愛而不之禁。縱及筋許。遂致腹脹如毬。噦不絕口。一懷抱而更加喘悶。以手扶其肋下。坐于膝上而已。極其撫摩而不稍息。以和脾宣化飲。投及三劑不效。舉家徬徨。追悔無地。余思藥雖對症。賴脾運化。叫喊幾及一晝兩夜。神其敵矣。仍以前方加參三分。助脾運化。并以山查二兩煎湯代水服。及逾時兩眼朦朧。有睡意。因得漸漸懷抱。竟爾睡着。自午及申。

醒餘大解極多。所食未化者幾半。遂得開爽。調理而愈。幾乎有意外之變。飲食不謹如此。

一防客感。痘初起。腠裏開洩。直抵筋骨臟腑。六淫易襲。起居一有不謹。輕則傷而重則中。非泛常感冒。

可憫。如有寢食如常。神情如故。絕無介帶。而卒然昏暈者。其由此也。若韓尺老之長郎。可鑒不替。治驗。

一戒煩擾。痘後精神盡發于外。縱得歡容笑口。僅脫離苦境之象。精神氣血。尚未之復。必得靜養。可致儘。

有愛而不當者。戲弄而引之。致其喜以爲喜。不知傷其神矣。卽房闈舉動。亦當以靜爲貴。去年胡漢老三。

歲一長郎。痘方初起。時值炎天。以房不寬暢。移于廳後。左右紙窓。日光耀目。痘眼初開。何其當此照耀也。

余令以青紗蔽之。嫌氣悶而弗聽。且頻頻煩擾。非弄其笑。卽以換衣撲粉。殆無寧刻。欲其適體。不知傷神。

何地矣。苦口論之。全不入耳。次日兩目上竄。牽唇鼓頷而斃。

一體寒暄。天時冷熱不常。痘後之體。又難調攝。衣服之間。稍冷卽傷榮。過煖卽傷氣。或驟寒而不之加。驟。

熱而不知減寒與煖大人不覺痘體受之較常人十
倍矣有因寒而即寒熱似瘧者有因熱而即神情昏
憤者難以悉指由不體寒暄之故也富貴之家過煖
更什居八九不知過猶不及也

一戒好潔房中幃帳衽席自是宜潔至痘兒之體自
頭面及身以至手足任其穢則穢任其臭則臭究其
所以日久而穢臭猶存者以收斂之旬未盡也收斂
未盡精神猶在于肌表而未還元欲滌其穢而反以
滌其神如之何其可也更有可畏者體膚柔嫩猶蛇
皮蛻骨之餘輕則皮毛若刺重則湯氣入裏喘急腫
脹可立而待有一兒痘將一月其母愛潔竟濯之以
湯而且暢其浴次日徧體浮腫喘急而莫救可不慎
歎

痘前諸瘡宜急治

諸般瘡瘍在痘前者務宜急治必愈為貴萬一與痘
相值痘即極順降而為險矣險自可知以痘之最惡
無如外剝外剝必由于癢瘡則未有不癢者痘即可
危而瘡為之招連痘亦沸然矣或得蒼老稀疏間瘡

而出者。卽癢或可禁止。設若稍密。其必透瘡四畔。覆集其窠。以瘡爲窠矣。水從下流。毒從虛發也。至痘起脹時。浮浮一片。無分瘡痘。一擦而身無完膚矣。雖有善者。何能濟其患哉。世人不諳者多。恒置而不問。有誤認瘡痘。總是一毒。反暢其發。以爲稀痘之計。不知痘係交媾慾火之毒。感于娠之先者。瘡乃成孕之後。受母腹之積熱。或生下後。濕熱流火所發。與痘絕不相侔。累月經年。何能致稀一粒。亦有瘡後而果稀者。適相表也。與瘡何與。又有無稽之言云。嬰兒體膚柔嫩。瘡藥一及。滲入骨髓。發痘不出。舉世訛傳。誤人不淺。但治瘡有法。當以漸而施。先於胸腹。次日肩背。又次日四體。結末頭面。治其一。緩其三。周而復始。以愈爲度。乃爲良法。不則治之太驟。柔體不勝。反致變矣。不可不知。

附治驗

余甲寅生一兒。百日內生肥。疥瘡。曩時亦惑于人言。而不敢治。漸漸通身布滿。無容針隙地。日夜啼號。乳食減半。余思痘固當慮尚在日後。而况未確。

瘡毒如此猖獗。危在旦夕。孰緩孰急。當務自在。選
合掌丸如前法治之。以忍冬解毒湯。減紅花加
黃柏生地。依參治。及半月而愈。後來出痘頗盛。而
透發甚易。人言不足憑如此。

嚴琢菴老先生。吾宗備如。茅突敬兄諸公。俱百
日內。生胎毒瘡。其瘡或暈成團。中低陷而圍浮突。
宛如梅毒。目之可畏。有達胎者。有在耳畔者。有達
肛門者。餘處難以數紀。俱以牛黃八寶丹五分一
丸。日進二服。外以化毒丹。調人胭脂內。一一貼之。

週時一換。更佐以忍冬解毒湯。如老活位。參黃栢
桃仁赤芍。減紅花。與九間服。乳母忌魚腥麵食薑
椒。奕敬子。幾百日而愈。備如子愈而復發。幾及兩
載而痊。惟嚴先生所藏牛黃金光寶色。川中亦不
偶者。內服與外治。兩倍於二子。不及兩月全愈。嗣
復出痘。皆收功無恙。

臧顧渚老先生。孫廣師兄之子也。生雙胎。先下地
者。三朝便生毒瘡。細似針沙。赤如紅霞。三日後連
成一片。一擦而膚剝去。編體如焚。以痘前瘡。當任

其生不事醫藥。十數朝卽斃。其次焉者。於十朝後亦發此瘡。與前無異。予曰。是瘡於母腹中受積熱。積毒而發。名爲血霞瘡。治之不早。有性命之憂。不但利干痘也。余言及此。追悔無已。云初生者。昨已斃于瘡矣。今治之可無恙乎。余授雙仙化毒丹。并牛黃八寶丹二方。一治其內。一治其外。而愈。厥後出痘。何嘗受治瘡之累。如此治驗。難以筆記。聊存一二以證焉爾。

誤治之戒

吾郡有爵尊望重。年逾五旬者。一鄉紳。止有一公郎。兩月內生胎毒瘡。與前三症宛肖。竟憑老嫗婢尼之言。以痘前瘡宜發不宜醫。反令乳母食魚鮮雞笋以發之。其瘡日盛。延一不韻者。以是瘡似梅毒。與大人梅瘡同治。用川椒一兩。全蝎五錢。與奶母假道于乳。亦安與。震板其毒。服及過半。其瘡愈大。圈愈突。陷愈深。隙地復增。血點細瘡。無不徧滿。熾熱如火。膚赤如霞。目紅口燥。徹夜煩擾。邀予往視。勢猖獗矣。以兩月芽兒。如是之毒。如是治法。不

覺爲之愴然。予大戒其乳母忌口。急錄牛黃八寶丹方。令速修合。將如治三家之法治之。容或可挽。先以消癰化毒湯。減蟬蛇。二劑後猖獗之勢亦得稍緩。嗣復聽卜云爻象無咎。但別有天醫。以余方爲廢紙。老嫗輩仍復主張。將所餘震發之劑罄盡。當忌之物大啖。遂至不救。惜哉。

失治之戒

姚世所老先生。三歲一愛。瘡將愈矣。惟兩小股至足。尚未結靨。而痘繼之。九朝漿及下部。痘與瘡統成一片。浮浮痒沸。十朝愈甚。兩股交擦。和皮剥法。痛狀可慘。惜頭面及身。成痂過半。因兩足作楚。連垂成者亦歸于敗。十一朝而斃。瘡之惡也如是夫。

論大黃

有客過余而問曰。伏火伏毒。非清解之能事。攻之固不容已矣。然大黃之力。斬關奪門。爲蕩滌之將軍。元臬毒火。當之尚爾。退聽於氣血。則獨無所虧乎。氣血若虧。孰爲領載。孰爲化解。而終始其功也。予曰。不然。有病則病受病。受其藥。則銷鎔在邪毒。邪毒銷鎔。則

氣血不爲邪毒桎梏而融通漑溉于痘矣。不第於氣血無損。正以救護氣血之地也。邪正相乘。一負則一勝負。旣在此。則勝自在彼。但當衡其輕重。所重在補。養正則邪自除。所重宜攻。驅邪則正自復。何虞氣血之受損乎。

蕩滌之法。古來不數見也。間有用者。不過錢許至三錢。一劑至二劑。要不出便閉者方用。便利卽止。若錢許以至兩許。自放點以至落痂。甚至瀉利者。用之而便反實。有純利清水而攻猶未已。是豈索隱行怪好奇示異哉。奈世運變遷。甲子以來。痘瘡迥別于前。是年曾有一痘。磊落粗綻。肥紅光澤。圓滿如珠。目之者咸贊其爲狀元痘。予按其身熱如火。口中乾膩。予思痘象固佳。不宜熱渴如此。謂其父曰。是痘氣血強旺。又得內無伏毒。外象故好。然熱渴太甚。火毒非輕。速宜涼血清火。不可懈也。此人全不之信。不事醫藥。至九朝帶火乾收。燥硬焦痂。有如瀝青。盤暈肆溢。有似紫霞。喘急躁亂。而莫能挽矣。以如是之痘。縱失醫藥。亦何至於此地。乃

竟以一熾熱一膩渴之嫌。便同於逆。可遞而推之。熾熱而更頂陷者。當何如。頂陷而更紫滯者。又何如。紫滯而更稠密者。又何如。稠密而更加貫珠堆簇者。又何如。貫珠堆簇而更內多惡症者。又何如。是知清解所不効者。當破其凝滯之毒。而佐之以清解矣。至破滯而不能取勝者。當進而攻其伏藏之毒。而佐之以散達矣。放點凶惡。攻之而起脹。得以清徹則已。起脹未應。攻之而成漿。得以暢遂即止。乃至有收結而始盡淨者。有落痂而始霍然者。然其所以然者。原非有怪異也。前之毒盛者。至起脹時。毒盡發于外。所謂毒出一步。內虛一步。至行漿時。痘稠密者。惟有氣而不繼。故必以保元爲要。一失內拓。必至白陷。灰陷。錫皮。皺濕。氣離。血散。而敗。今有毒盛者。恒多伏藏于內。輕則內擾。重者內潰。內擾者。猶可以清解疏達而起。即有不應。蕩滌之。而自鬆透矣。若內潰者。臟腑糜爛。藥即金丹。亦爲無用。而况清解乎。故內毒甚者。無論發始半途。卽結尾收成。餘殃未殄。當如除惡務本。必期于盡。

但盡之之法。又當察其輕重緩急而因應之。不可執成見于我也。純熟於此。不特險之重者。得以轉危就安。卽鄰于逆者。施功於已發未發時。儘可挽回。若腰如被杖。叫喊不已。空竅失血。蚤癩蚊迹。紫背浮萍。纏腰兩截。托腮鎖項。睛毛倒豎。稠密細碎。面目豫腫等症。前賢徃哲。列于不治之條。皆可以起。尤宜治之於早。乘毒無定位。內未受攻。乃克有濟。若至三日期。其內已受攻。亦無如之何矣。

論石膏

石膏名爲白虎湯。火泡燃桐油調敷。痛卽如失。性果何如其寒也。人有言疹要清涼。疔要溫。芥連犀角尚不敢輕投。恐傷脾胃。用之而且兩訐。更有始終不撤。不惟無傷於脾胃。而更得益焉。何也。喜溫之說。前人言氣虛之痘。若犯血熱。熱而且甚者。內煎然而外沸騰。五內之地。輕則恣其銷燬。重則爲其焦枯。蓋以先天毒火。火而出之於毒。不啻一熱而已。毒而濟之於火。其猛烈常何如也。石膏雖大寒。僅足以制其亢。寧有餘寒而傷及于脾胃乎。儘有落痂之後。火邪盡淨。

復起牙疳。目生翳障。但有未盡之餘。不見有過寒之症。總不越有病病受。若使中病即已。不必盡劑。容可過乎哉。何爲中病。假令身熱如火者。熱和爲中。大渴不已者。渴緩爲中。紫艷嫩紅者。紅活爲中。何爲未中。如口熱如爐。空竅失血。唇焦舌黑。狂煩譫語。其勢未殺。病猶未中。雖多何畏焉。藉令泥古方。拘日期。論劑數。則誤矣。

論猪尾血

諸血居補。惟此血最活動而搜剔凝結之瘀。所以產婦多有食之。取其能破敗惡露也。論痘非血不載。非血無漿。况補血之功不易。何反取其破敗爲哉。毒鬆透者。血得載毒而出。痘雖稠密。色必紅活。自無凝滯之患。若毒火確烈。萌動即熾。血遇之即凝結而瘀矣。血本載毒者也。瘀則連血亦爲毒血矣。不第此瘀爲毒已也。一有瘀毒。并別身之血。悉爲此毒攝伏。而不得灌輸於痘。以故痘有空殼。以故有與肉色一般。此痘之最惡者也。如女人懷娠。通身之血。朝毓于娠。上乳下經。皆絕響矣。不則天下有無血之孩乎。其次則

乾紅晦滯。紫艷乾焦。或蚤癩蚊迹。種種皆內瘵之符也。然此瘵非猶夫血塊癥瘕之類。無論小大。皆係殺身之毒。但小則日期緩。大則日期迫耳。緩則桃仁地丁紅花赤芍。亦能取効。迫則必需于此。猪血固能破瘀。而出自尾尖。尤爲活動緊關之處。而且取破血下流之義。得冰片爲佐。開洩滕裏。通達內外。內結散而外滯疏。此瘵一活。則一身之血。皆得灌輸于痘。而立轉紅活矣。是以血活血。猶之以血補血。草木之味。烏能及焉。如用之。輕必益許。重則四五益。或十數益。方可取効。如方書所云一二點。此亦習聞而未能經驗者也。

論濁陰

何爲濁陰。無價散。雞矢醴。人中黃。人中白。童便。秋石。金蓋散。金汁。糞青。女人經布。男婦襯襠之類。均爲濁陰。辛甘爲陽。苦寒爲陰。輕清爲陽。重濁爲陰。此等穢惡。尤爲陰中之陰。濁中之濁。痘犯烈火。苦寒所不能勝。非此莫制。予孟兒。喉間忽然鯁痛。身卽躁熱如焚。俄頃而音聲卽啞。咽傍有兩蛾相對。如圓眼大。先以

蘆刀刺之。令出惡血色。甚紫滯。予見勢重。卽以
石膏黃連荊芥牛旁生地甘桔木通連服。二頭汁不
應。滿腹如火炙。不醒人事。前方用大黃五錢。生地石
膏各一兩。日服三頭汁。如此服過三日。勢不稍殺。而
且日甚。燈與幃帳相去丈餘。畏明若刺。口中謔語。音
啞。不知所訟。如此三日。所服之劑。水之交石。予思陽
光烈火。非苦寒所能駕馭也。遂想濁陰以勝之。濁陰
之中。無如雞矢。雞矢之中。惟糖而若乾醬者爲最。此
又濁中之濁。陰中之陰。能治疔瘡立効。其濁陰無匹。
可見取有尖頭者佳。以六一散調爲丸。如棗豆大。另
以六一散湯一二匙。研入水片少許爲衣。以掩其臭。目
得以開洩竅脈。用燈心湯送服。一二刻後。從來燥熱
如火。忽爾身體振戰。汗洩如漿。發出一身惡疹。與牛
皮癬一般。自來疹子無癩。及回後。徧身脫下痂皮。如
厚油紙。而諸症悉愈。若非此品。斬將莫旗。以奪之。諸
藥終歸無用。一奪其勢。諸藥亦與有力焉。濁陰能制
陽光。先言堪世則矣。人畏大黃爲將軍。石膏爲白虎。
此症用及各有勦餘。如冰交石。賴此開先。而始奏効。

所以藥貴對病寒熱攻補是在用之謂何如耳

瑣言備用良方
清肌透毒湯 治痘瘡已發未發為風熱所感。膝裏
阻塞者。此湯主之。
荆芥穗 三分 乾葛 八分 前胡 一錢 桔梗 四分
甘草 二分 山查 一錢 蟬蛻 三分 加薑 一片
直達透肌散 治痘將出未出無其外感亦不至內
傷。但身熱嘔吐。眸子眊焉者。此湯主之。
蟬蛻 山查 陳皮 前胡 葛根
加薑 一片 嫩芋頭 一個

效編瑣言 備用良方 十一 惠迪堂

溫肌透毒散 治痘已發未發為寒邪固閉者此湯

主之。

防風 五分 麻黃 蜜炒黑 三分 川芎 八分 蟬蛻 三分
山查 二錢 桔梗 三分 甘草 二分 陳皮 六分

加薑五分

寬中透毒飲 治痘已發未發而飲食內傷者此湯

主之。

山查 三錢 青皮 六分 葛根 四分 陳皮 五分 前胡 八分
萊菔子 七分 桔梗 三分 蟬蛻 三分 麥芽 一錢

加薑三分

疏肝透毒散 治痘前驚跌而發搐者此湯主之。

僵蚕 炒四分 蟬蛻 二分 薄荷 二分 鈎藤 六分 青皮 七分
木通 三分 前胡 六分 山查 二錢 羌活 四分 荆芥 三分

加燈草一分 薑二分

清熱解毒湯 治痘放點乾紅色滯壯熱煩躁者此

湯主之

荆芥穗 紅花 蟬蛻 木通 各三分
牛旁 一錢 丹皮 青皮 各七分 生地 二錢 山查 二錢

效編類

備用良方

仁

惠

滑石 三錢 前胡 七分 地丁 四分 黃連 六分

加燈心一分

調中湯 治未痘時先因吐瀉裏虛隨感時行見痘

目眶低陷神情困倦者此湯主之

人參 五分 陳皮 四分 蟬蛻 三分 川芎 八分 甘草 二分

扁豆 一錢 枸杞 一錢 藜蘆 六分

加薑二分大棗二枚此權宜之劑也精神稍

涼血攻毒飲 治痘毒火內伏煩渴躁亂身體反涼

痘色紫滯紫紅微夜無眠者此湯主之

大黃 二錢 荆芥穗 五分 木通 四分 牛旁 丹皮

紫草 各一錢 赤芍 八分 葛根 七分 蟬蛻 四分 青皮 七分

生地 四錢 紅花 四分 加燈心一分

鬆肌通聖散 治痘膝裏阻寒血凝氣滯窠粒隱隱

於肌肉之間痘色乾紅物滯神情悶悶者此湯

主之

羌活 荆芥 紫草 紅花 木通

赤芍 地丁 青皮 牛旁 山查

蜂房

當歸

防風

加蘆筍胡荽

清涼攻毒飲

即瀉黃散

治痘瘡大熱如火紫艷深紅煩

渴顛狂者此湯主之

石膏

三錢至一兩

黃連

錢至二錢

大黃

三錢至五錢

木通

綿花

荆芥穗

各四分

牛旁

一錢五分

犀角

磨汁三分

丹皮

一錢

青皮

七分

生地

五錢至一兩

地丁

一錢

加燈草一分

清暑透毒湯

治痘值帶暑神情煩劇不時哈舌大渴思冷戢然汗出或身涼如暈痘滄淹滯此因暑氣閉塞故也此湯主之

陳皮

各四分

厚朴

各四分

葛根

三分

澤瀉

各五分

香薷

各五分

黃連

七分

滑石

二錢

青皮

七分

蟬蛻

三分

甘草

四分

扁豆

一錢

加燈心一分

疏邪實表湯

治痘屬氣虛皮薄色淡身涼體靜兼有表邪外束者不拘漿前漿後此湯主之

黃芪

防風

荆芥

甘草

川芎

白芷

桔梗

加薑一片

胡荽一錢

必勝湯 治痘血瘀氣滯。窠粒實而不鬆。痘色滯而

不活。或乾紅。或紫黯。或癰點。諸般痛楚。或貫珠。

或攢簇。毒火兩伏。此湯主之。

大黃 小劑七分至三錢。大劑三錢至一兩。
勢急者以一半同煎。半臨起接下。

青皮 五分至一錢。至一錢。至一錢。至一錢。
桃仁 四錢。至一錢。至一錢。至一錢。
紅花 五分至一錢。至一錢。至一錢。至一錢。
赤芍 錢半。

水通 三分至八分。至一錢。至一錢。至一錢。
荆芥穗 三分至一錢。至一錢。至一錢。至一錢。
葛根 三分至一錢。至一錢。至一錢。至一錢。

生地 二錢至七錢。至一錢。至一錢。至一錢。
白項地龍 三條至廿一條。

紫花地丁 小劑三錢。中劑七錢。大劑一兩。
蟬蛻 二分至六分。

山查 大劑一兩。小劑五錢。中劑一兩。至一兩。
薑根 三兩。三味煎湯代水煎。

既濟湯 治痘火毒太盛。時值隆冬。閉塞。此湯主之。

荆芥穗 麻黃 去根。蜜炒。將黑。葛根 石膏
地上出火氣。

黃連 大黃 蟬蛻 牛旁

加薑二片。芫荽一錢。陰陽水煎。

清金攻毒飲 治痘毒壅于肺。聲音不清。喉間痛楚。

煩渴壯熱。痘不起者。此湯主之。

桔梗 甘草 牛旁 大黃 佘參

前胡 枳壳 山查 蟬蛻 僵蚕

山豆根 荆芥穗 加燈草一分

效備真言 備用良方 五 惠也堂

涼膈攻毒飲

治痘熱毒壅于上焦胸膈煩悶壯熱

發渴揭衣棄被痘色紫艷深紅者此湯主之

大黃

黃連

石膏

荆芥

地丁

佞參

黑山梔

赤芍

生地

桔梗

木通

甘草

牛旁

薄荷

枳壳

加燈草一分竹葉三十片

消癩快毒湯

治痘有夾疹夾癩膚紅如醉者此湯

主之

連翹

佞參

生地

牛旁

木通

蟬蛻

丹皮

荆芥穗

黃連

甘草

地丁

赤芍

極熱者加大黃

加燈心二十莖

窮源透毒散

治痘瘡毒火深潛累日不起色有乾

紅有紫滯或煩躁或昏沉身體不熱者此湯主之

大黃

青皮

穿甲

紫草

婦尾

地丁

木通

牛膝

羌活

荆芥

紅花

加蘆笋十株

錢氏百祥丸 治痘瘡黑陷便閉裏實者。

紅芽大戟不拘多少煮極軟去骨日中曬乾復于
原汁中煮盡汁焙乾研末水跌為丸粟米大每服
十九至二十九研赤芝蔴湯下

神應奪命丹 治痘瘡毒盛透發不起者。

劈砂一兩囊干白紗內外配升麻麻黃各五錢紫
草連翹各一兩四味同入紗囊中於砂鍋內用新
汲水將柴柴火煮一晝夜取出辰砂研末仍將煮
砂藥汁將綿濾清曬乾為末聽用。

麻黃不去根節蜜酒拌炒焦色地上出火氣八分
蟬蛻洗淨去足翅一錢紫草酒洗三錢紅花子一
錢五分真蟾酥五分穿山甲酒拌炒一錢五分共
研細末用猪尾血杵為丸桐子大週歲者一九二
歲者二九其餘三九為則酒漿化服厚蓋取汗擇
天醫生氣日合

散結湯 治痘血滯氣滯色乾紅面囊不鬆者。

青皮 羌活 赤芍 紫草 地丁
山查 荆芥 升麻 川芎 木通

牛旁 丹皮 加蘆笋十株鮮芋頭三箇

養榮附氣湯 治痘窠囊蒼老。歸附不厚而淡白者。

當歸 熟地 川芎 紅花 生地

甘草 加薑一片

實氣飲 治痘血至而氣不至。歸附則厚郭殼不長。

或平或陷而不克肥者。

丹皮 荆芥 青皮 山查 穿甲

牛旁 木通 赤芍 僵蚕 蟬蛻

加蘆笋十株歸服和大桑蟲。

瘡榮散 治痘氣至而血不至。郭郭飽滿而根窠癢

者。

紅花 歸尾 紫草 丹皮 荆芥穗

地丁 牛旁 木通 赤芍

加地龍三條歸服和猪尾膏半盞。

滌邪救苦湯 治痘毒火下注大腸。邪毒逼迫欲解

不解。毒垢穢臭無倫者。

黃連 大黃 牛旁 紅花 滑石

木通 蟬蛻 荆芥 澤瀉 青皮

赤芍

山查

加燈心二十葦陰陽水煎

萬兩黃金散

一名無價散
一名四聖散

治痘瘡氣為毒滯而陷

血為火灼而黑者

人糞

貓糞

猪糞

犬糞

臘月收取四糞乾結者用礬糠火煨黑存性為末各等分研細以密水調服每服三分至七分

猪尾膏

治痘瘡細如麻芥實而不鬆。黯而不活。諸般惡形惡色惡症。累日不起者。

取小雄猪尾尖血少則蛤殼多則一盞以絹絞淨

每盞和梅花冰片二厘即調于煎劑內服以痘轉為度如小猪不得即大者亦可

養榮透毒湯

治痘瘡血虛淡白并囊窠不起者。

桔梗

甘草

當歸

川芎

熟地

紫草

山查

蟬蛻

木通

穿甲

加蘆笋十株

蟬針法

治報痘有紫硬有黑陷有歪斜并諸痘內

效編續言

備用良方

七

惠迪堂

色紫黑根腫硬獨大于眾痘者用之。

取水蛙大者放于患處將蛤殼合于其上用軟絹束之吮出毒血次以藥胭脂膏封貼如無此物以銀針挑破令奶母含金銀花汁以吮之

散火鬆毒飲 治毒為火鬱不能透發色紫滯而囊不鬆者。

荆芥穗 丹皮 木通 連翹 防風

赤芍 露蜂房 紫草 青皮 牛旁

山查 加燈心半分

平順清解飲 痘至起齊不犯氣虛無甚血熱稍用清解者以此湯主之。

桔梗 甘草 山查 僵蚕 木通

連翹 紅花 牛旁 白芷 生地

加炒占米百數粒

托裏無憂散 痘至六七日身不熱痘不燥亦不甚紅囊不克肥者以此湯主之。

黃芪 人參 甘草 僵蚕 白芷

桔梗 當歸 川芎

加炒占米 大棗

養金化毒散 治痘內有伏毒。啼號不已。經日不起。并發癩發疔者。以此散用蜜湯調服。痘若搔傷。或攢簇堆聚。或報點臬惡。乾焦紫黑。板硬等象。悉以此散調入油胭脂內。用綿紙做如膏藥樣。以貼之。

乳香 沒藥 各一錢 出汗 研細配衆藥 川貝母 去心 炒 雄黃

黃連 天花粉 各一錢 生用 大黃 半炒 半晒 各二錢

七分 赤芍 二錢 炒 冰片 一分 半 牛黃 二分

珠子 四分 以無聲為度

保元八珍湯 治痘一切氣血兩虛。囊薄色淡。身涼體靜。頂平頂陷。漿清皺軟者。此湯主之。

人參 黃芪 甘草 當歸 淮熟地

川芎 枸杞子 山查

外加薑二片炒糯米百數粒

回陽返本湯 治痘氣血虛劇。皮薄漿清。錫皮灰白。虛惕寒戰者。此湯主之。

人參 黃芪 鹿茸 酒炙 剉片 用 酒煎 膏配藥 當歸

川芎

肉桂

甘草

山查

熟附

外加大棗二枚

實脾固本湯

治痘脾虛滑瀉此湯主之

人參

白朮

茯苓

木香

廣皮

訶子

炙甘草

肉菓

完穀不化者加麩粳用

〵

外加薏棗

納穀散 治痘神不煩熱不熾痘不燥而飲食不思者此湯主之

人參

白朮

茯苓

廣皮

山藥

炙甘草

外加大棗米大棗煨薑

瀉黃納穀散

治痘邪熱犯胃唇口燥烈口中膩渴

甚至舌起芒刺。喘黑如煤。漿後身熱壯熱種種燥熱而不思食者此湯主之

石膏

黃連

生地

丹皮

木通

甘草

炙用

生甘草

牛旁

山查

荆芥穗

重者加大黃

外加大燈心

補液湯

治痘津液不足而發渴者以此湯主之

人參

麥冬

五味

訶子

桔梗

甘草

清金解渴湯

治痘金被火燥而咽乾口渴者以此

湯主之

石膏

生地

黃連

桔梗

荆芥

甘草

牛旁

連翹

葛根

天花粉

加燈心

蒸竹葉

片

安神散

治痘後邪毒淨盡心虛不寐者

人參

棗仁

茯神

甘草

當歸

麥冬

白芍

柏子仁

取水加燈心

逆肉

清宵忘晝飲

治痘邪熱擾亂心神不寧夜不成寐

不拘首尾以此湯主之

黃連

丹皮

生地

木通

甘草

荆芥穗

黑山梔

加燈心竹葉

硃砂六一散

治痘出炎天煩渴不寧或熾熱紫艷

心胸煩悶者

嫩滑石

水飛淨六兩

生甘草

為末桑皮紙篩過一兩

辰砂

燈過五錢

涼燈心湯調服或雪水梅水俱可

金蓋散 治痘腐爛不收。和皮脫去。以此散撒在褥

席上。令兒眠上。若以絹袋盛之。通身撲之。亦可。

取黃牛糞尖。晒燥。礮煉。火煨黑。存性。研細用。

滑肌散 治痘漿足半靨。紅暈未收。壯熱未和。以此

散包于絹內撲之。

滑石

六兩

甘草

二兩

菘豆粉

三兩

為極細末用

蘇楊湯

治痘板實不鬆。或發紅。或紫黯。八九日不
收。甚至作痒者。以此湯浴之。

取水楊柳連枝帶葉。剉斷四兩。長流水十數杓。煎
十數滾。去杏將三分之一。傾于脚桶內。以手探之。
不可太熱。亦不令太溫。先以應服之藥服之。而後
浴。其湯漸漸添下。浴後以絹緝收乾。逾時以燈照
之。隱隱鬆浮。漿脚動矣。冬月宜於帷帳中。更備脚
爐。旺火于兩旁。不使寒侵。為妙。○此柳生於水灘。
四月間。纔有其柳。不生旁枝。長者三尺許。粗者如
細條。其葉較垂楊葉尚厚。帶有白意。至五月。葉下
開細細紫花者。是此名水楊柳。非忍冬藤亦非等。

開柳樹也須預備風乾得用其性最能活血脈利
筋骨大人有患拘攣手不能握足不能步者用酒
煎服不能酒者水煎其効有靈氣
保元回漿散 痘有身涼體靜漿不滿足膿囊漸潤

至收膳自是不齊此湯主之

人參 當歸 甘草 黃芪 白芍

米仁 茯苓 加苡棗

活絡透毒飲 治痘收膳時熱毒留連愁容可掬將
來餘毒在所不免却不易來者以此湯預活之

羌活 紅花 荆芥 牛旁 木通

當歸 牛膝 蟬蛻 青皮 連翹

外加地龍

忍冬解毒湯 治痘痲初起大局無虞死少榮潤熱

欠清和防餘毒竊發者此湯主之

金銀花 上貝母 甘菊 荆芥穗 牛旁

紅花 甘草 木通 連翹 地丁

外加胡桃

撥雲散 治痘後熱毒在肝兩目通紅甚至起障生

翳者。以此湯。

生地 黃連

木通

荆芥穗

穀精草

甘草 赤芍

羚羊角

大黃

一分至三分

木賊 甘菊

金銀花 羌活

望月沙

加燈心白芙蓉葉

消疔解毒散 治痘後牙疳

薄荷 五分

兒茶 一錢

冰片 一分

人中白 三錢

天花粉 錢 甘草 五分

青黛 小澄

黃連 五分

牛黃 一分

珠子

分

兩煎茶

分

白礪

錢

研極細以無聲為度。先以濃茶拭淨方吹。

加味內托十宣散

治痘後餘毒白而不紅。平而不

起。按之不熱。愁容可掬。此本氣血兩虛。藥不滿

足而致乎毒也。以此湯止之。

人參 黃芪

當歸

午潑

金銀花

甘草

白芷

羌活

紅花

木通節

川芎

皂角刺

加胡桃二枚

回漿合宜散

痘瘡血收漿足。別無燥熱之症。以此

救編瑣言 湯飲之。

白芍 防風 米仁 甘草 茯苓

山查 扁豆 加大棗

溫粉撲肌散 治汗出不止者。

黃連 貝母 牡蠣粉 各五錢 粳米粉 一升

共磨細末包于絹內撲之

白花膏 治痘收靨燥熱。痂皮濺起作痛者。

蜂蜜不拘多寡大約四兩配大黃細末一兩和滾

湯攪勻以鷺翎拭之亦易落

快肌膏 治痘值炎天膿漿燥實徧體如霞煩熱如

火身無安放者。

生大黃晒燥為末一兩敗草散五錢調人猪膽汁

宜薄不宜厚以鷺翎輕輕搽之不可通身塗滿

牛黃八寶丹 不拘已痘未痘。嬰兒諸般惡瘡惡毒

此丹有靈氣

牛黃 二分 珍珠 四分 劈砂 五錢 川黃連 三錢

犀角 羚羊角 各三錢 雄黃 透明者 青黛 水澄

川貝母 炒三錢 淨水片 二分 琥珀 二錢 羌活 炒三錢

位參

五錢瓦上焙或晒燥

乳香

沒藥

各三錢共出汗盡

右十五味如法製為細末聽用外將棟淨金

銀花 二兩 甘菊 一兩 甘草 五錢 胡桃肉 二兩

紫花地丁 連根帶葉理淨勿雜青苔剉斷二兩 長流水五碗砂

鍋內慢火煎至及守取汁將查絞乾以綿濾

清桑柴火熬膏入煉熟老蜜盞許再熬至粘

筋將前末和丸每丸三分一歲左右者日服

一九三歲左右者日服二九蜜調服

奏凱和鮮飲 痘瘡收斂厚而滋潤寢食俱安可以

弗藥而調理和鮮者以此湯

金銀花 土貝母 牛旁 山藥 扁豆

山查 荆芥 當歸 人參 甘草

加核桃肉連肉

參歸化毒湯 治痘餘毒連氣血虛弱何以取驗

淡白不振身涼愁困者是也

人參 當歸 黃芪 甘草 金銀花

牛膝 紅花 水貝母 山查 皂角刺

白芷 加胡桃肉

白芷 賦得淋肉

半斤 石 澤 蘇 如 法 貝 母 細 末 山 查 外 將 早 煎 陳

人 冬 銀 花 當 歸 黃 芩 甘 草 別 煎 金 雞 蘇

滋 白 不 滿 其 寒 熱 因 各 異 也

參 茸 少 毒 湯 奇 效 創 造 而 聖 藥 血 氣 德 而 以 如 靈

賦 得 淋 肉 聖 藥

仙 查 功 將 賦 得 淋 肉 聖 藥 一 分 人 冬 石 甘 草 煎

金 雞 蘇 一 土 貝 母 半 德 服 二 山 藥 煎 服 益 豆

賦 得 淋 肉 聖 藥 賦 得 淋 肉 聖 藥 賦 得 淋 肉 聖 藥

極 焦 黑 青 烟 將 起 油 將 來 矣 漸 有 漸 逼 以 盡 為 度

亦 於 水 盆 內 出 火 氣 與 麻 油 合 併 濾 清 聽 用

復 用 大 黃 一 兩 一 半 晒 燥 一 半 與 風 化 石 灰 同 炒

炒 至 石 灰 如 桃 花 色 去 灰 取 黃 地 上 出 火 氣 共 為

細 末 松 香 五 錢 為 末 入 于 葱 管 內 用 苧 絲 紮 葱

口 于 銅 杓 內 煮 葱 黃 熟 去 葱 取 松 香 為 末 川 黃

柏 去 粗 皮 淨 五 錢 一 半 晒 燥 一 半 將 猪 膽 汁 炙 透

共 為 細 末 青 黛 水 飛 五 錢 合 前 藥 總 調 于 藥 油

內 其 搽 法 如 擦 合 掌 丸 以 漸 而 施

青 月 長 七 惠 世 堂

